

**dla wuzwólwanjow**

- gmejskeje rady gmejny Nowa Niwa (Neu Zauche)
- cesnoamtskego šoŭty abo cesnoamtskeje šoŭtowki gmejny Nowa Niwa (Neu Zauche)
- wejsneje pširady wejsnego žěla Brjazyna nad Jazorom (Briesensee)
- wejsneje pširady wejsnego žěla Kamjeńki (Caminchen)

**na 09. juniju 2024**

**Znatecynjenje wjednice wuzwólwanja**

wót 14. februara 2024

Za paragrafoma §§ 26 a 64 póstawk 3 Bramborskeje kazni dla komunalnych wuzwólwanjow (BbgKWahlG) a za paragrafom § 31 póstawk 2 a 3 Bramborskego wustajenja dla komunalnych wuzwólwanjow (BbgKWahlV) dajom ja slědujuce informacije k wěšći:

**I. Terminy a cas glownych wuzwólwanjow a dowuzwólwanjow**

Za wustajenim dla dnja a casa powšykných komunalnych wuzwólwanjow w lěše 2024 wót 17. awgusta 2023 (GVBl. II nr. 57) pšewjedu se **wuzwólwanja** (glowne wuzwólwanja)

- gmejskeje rady gmejny Nowa Niwa
- cesnoamtskego šoŭty abo cesnoamtskeje šoŭtowki gmejny Nowa Niwa
- wejsneje pširady wejsnego žěla Brjazyna nad Jazorom
- wejsneje pširady wejsnego žěla Kamjeńki

**nježelu, 09. junij 2024 wót zeger 8 do 18**

kaž teke

ewentuelnje trjebne **dowuzwólwanje**

- cesnoamtskego šoŭty abo cesnoamtskeje šoŭtowki gmejny Nowa Niwa

**nježelu, 30. junij 2024 wót zeger 8 do 18**

**II. Napominanje k pšipowěženju kandidatow a kandidatkow**

Za tym ako ministar za nutšikowne a komunalne nastupnosći jo pšez kaznjojske wustajenje terminy togo zwjercha wumjenjonego dwójego glownego wuzwólwanja a dowuzwólwanja wustajit, napominajom ja za paragrafom § 31 póstawk 2 sada 3 wustajenja BbgKWahlV, aby **tak jěsno ako móžno** kandidaty a kandidatki za to same wuzwólwanje pšipowěželi. Wušej togo dajom slědujuce informacije k wěšći:

**A. Wuzwólwanje gmejskeje rady gmejny Nowa Niwa**

**1. Licba gmejskich zastupnikow a zastupnicow, kótarež deje wordowaš wuzwólone**

Nagromadu dej **10** gmejskich zastupnikow a zastupnicow wordowaš wuzwólonych.

**2. Wuzwólowańske wokrejsje**

Gmejna Nowa Niwa wobstoj za paragrafom § 20 póstawk 2 kazni BbgKWahlG z **jadnogo** wuzwólowańskego wokrejsa (1076

wobydlarjow).

### 3. Pšawo na pšipowěženje kandidaturow a wustajony cas k pšipowěženju kandidaturow

- 3.1 Kandidatury mógu wordowaš pšipowěžone wót **partajow, politiskich zwěstkow, wuzwólowańskich grupow a samotnych kandidatow abo kandidatkow**. Wušej togo mógu partaje, politiske zwěstki a wuzwólowańske grupy teke gromaže ako **lisćinowy zwěstak** kandidatury pšipowěžeš. Wóni směju se pak pši kuždem wuzwólowanju jano na jadnom lisćinowem zwěstku wobžěliš; člonki lisćinoweho zwěstka njesměju samostatnu kandidaturu za **to same** wuzwólowanje pšipowěžeš.
- 3.2 Pšipowěženje kandidaturow dej se staš **tak jěsno ako móžno**. **Pisne** pšipowěženja muse se zapódaš **nanejpóźdzej** až do

**stwórta, 04. apryla 2024, zeger 12,**

pla

**wjednice wuzwólowanja za gmejny amta Luboraz/Górne Błota,  
amt Luboraz/Górne Błota, Cerkwina droga (Kirchstraße) 11, 15913 Tšupc  
(Błota), abo Mark (Markt) 4, 15868 Luboraz (Lieberose)**

### 4. Wósebná slušnosť pšizjawjenja **lisćinowych zwěstkow**

To wótglědanje, aby se lisćinowy zwěstak załožyl, muse organy wšych wobžělonych organizacijow, kótarež su pšislušne za teritorium wuzwólowanja, wjednicy wuzwólowanjow we **gmejnje amta Luboraz/Górne Błota** zjawiš. To zjawjenje dej se staš **pisnje a nanejpóźdzej** až do **stwórta, 04. apryla 2024, zeger 12**. Su-li partaje abo politiske zwěstki na lisćinowem zwěstku wobžěłone, ga musy ta deklaracija byš pódpisana wót nanejmjenjej dweju člonkowu jich pšedsedařstwa, kótarež jo pšislušne za teritorium wuzwólowanja, mjazy drugim wót pšedsedarja abo pšedsedařki abo wót zastupnika abo zastupnice; pla wuzwólowańskich grupow musy wósoba z pšawom zastupowanja pódpisaš.

### 5. Pšipowěženje jadnej lisćiny za cely teritorium wuzwólowanja abo wěcej lisćinow za **jadnotliwe wuzwólowańske wokrejsje**

Partaja, politiski zwěstak, wuzwólowańska grupa abo lisćinowy zwěstak móžo pšipowěžeš **pak jadnu** lisćinu kandidaturow, ako se póšěgujo na cely **teritorium wuzwólowanja** (jadna lisćina za wšykne wuzwólowańske wokrejsje), pak **wěcej** lisćinow, ako se póšěgujo na jadnotliwe **wuzwólowańske wokrejsje** (jadna lisćina za kuždy wokrejs). Lěc pšipowěžejo se jedna lisćina za cely teritorium wuzwólowanja abo wěcej lisćinow za jadnotliwe wuzwólowańske wokrejsje, rozsužijo pla partajow abo politiskich zwěstkow lokalne pšedsedařstwo, kótarež jo za teritorium wuzwólowanja pšislušne (njedajo-li take pšedsedařstwo, ga rozsužijo pšedsedařstwo na nejblišej wušej rowninje) a pla wuzwólowańskich grupow wósoba z pšawom zastupowanja. Samotne kandidaty mógu pšipowěžeš **swóju kandidaturu** pak za **teritorium wuzwólowanja** pak za **wuzwólowański wokrejs**. Jano z tym přědnym mógu wóni we **celem** teritoriumje wuzwólowanja kandiděrowaš.

### 6. Wopšimješe pšipowěženja kandidaturow

- 6.1 Kandidatury deje se pšipowěžeš na **formularu 5a** k paragrafoju § 32 póstawk 1 sada 1 wustajenja BbgKWahlV. Pšipowěženja deje wopšimješ
- familijowe mě, pšedmě, pówołanje abo žělabnosť, žen a město naroda, statnu pšislušnosť a adresu kuždego kandidata abo kuždeje kandidatki we derje widobnem řědu,
  - pši pšipowěženju kandidatury pšez partaju abo politiski zwěstak**: polne mě teje partaje abo togo politiskego zwěstka a teke skrotcone mě, jolic wóni take wužywaju; pódane mě partajow abo politiskich zwěstkow musy se makaš z mjenim, kótarež te same we kraju oficielnje wužywaju,

- c) **pši pšipowěženju kandidatury pšez wuzwólowaŕsku grupu:** mě teje wuzwólowaŕskeje grupy a teke skrotcone mě, jo-lic až wóna take wužywa; z tego mjenja musy se wuznaš, až žo wó wuzwólowaŕsku grupu; mě a ewentuelne skrotcone mě njesmějotej wopšimješ žednogo mjenja partajow abo politiskich zwěstkow abo skrotconego mjenja tych samych,
- d) **pši pšipowěženju kandidatury pšez lisćinowy zwěstk:** mě tego lisćinowego zwěstka a teke skrotcone mě, jo-lic až wón take wužywa; wušej tego muse se pódaš mjenja a teke ewentuelne skrotcone mjenja partajow, politiskich zwěstkow a wuzwólowaŕskich grupow, kótarež su na tom lisćinowem zwěstku wobžěłone,
- e) mě teritoriuma wuzwólowanja a – pósěgujo-li se to pšipowěženje na **wuzwólowaŕski wokrejs** – teke pomjenjenje toho wokrejsa.

**Pšipowěženje kandidatury**, zapódane wót **samotnego kandidata abo kandidatki**, smějo wopšimješ jano te pódaša, kótarež su pód punktoma a) a e) wumjenjone.

- 6.2 Kužde pšipowěženje musy wopšimješ nanejmenjej jadnogo kandidata abo jadnu kandidatku. Pšipowěženje, ako se pósěgujo na cely **teritorium wuzwólowanja**, smějo nagromadu maksimalnje **15** kandidatow abo kandidatkow wopšimješ.
- 6.3 Wušej tego dej to pšipowěženje kandidatury wopšimješ mě, adresu a telefoniski numer **dowěrnika a zastupujucego dowěrnika**. Teke kandidat abo kandidatka móžo wordowaš za dowěrnika wumjenjony/wumjenjona. Njejo-li w kaznjach něco drugego wustajone, matej jano dowěrnik a zastupujucy dowěrnik, kuždy wósebje, pšawo wězajuće deklaracije ku kandidaturje wótedaš a pšiwzeš.
- 6.4 **Pšipowěžeŕski formular partaje abo politiskego zwěstka** musy byš pódpisany wót nanejmenjej dweju člonkowu pšedsedarstwa, kótarež jo za teritorium wuzwólowanja pšislušne, mjazy drugim wót pšedsedarja abo pšedsedaŕki abo wót zastupnika abo zastupnice. **Pšipowěžeŕski formular wuzwólowaŕskeje grupy** musy byš pódpisany wót wósoby z pšawom zastupowanja. Až ta sama wósoba ma pšawo zastupowanja, musy wóna na mójo póžedanje dopokazaš. **Pšipowěžeŕski formular lisćinowego zwěstka** musy byš pódpisany wót kuždeje partaje, kuždego politiskego zwěstka a kuždeje wuzwólowaŕskeje grupy, kótarež su na zwěstku wobžěłone. **Pšipowěžeŕski formular samotnego kandidata abo kandidatki** musy byš pódpisany wót njogo samego abo wót njeje sameje.
- 6.5 **Wažne wobgranicowanja**  
Kuždy kandidat a kužda kandidatka smějo jano na jadnom pšipowěžeŕskem formularu za wuzwólowanje gmejnskeje rady gmejny Nowa Niwa byš wumjenjony/wumjenjona. Kandidat abo kandidatka na pšipowěžeŕskem formularu **partaje** njesmějo byš člonk drugeje partaje, kótaraž jo ze swójeju samskeju kandidaturu na wuzwólowanju wobžěłona.

## 7. Kriteriaje za kandidaty abo kandidatki

- 7.1 Aby za **partaju, politiski zwěstk, wuzwólowaŕsku grupu abo lisćinowy zwěstk** kandiděrowaš, musy kandidat abo kandidatka slědujuće kriteriaje dopolniš:
  - a) **Kandidat abo kandidatka musy mész pasiwne wuzwólowaŕske pšawo** za paragrafom § 11 kazni BbgKWahlG.
  - b) **Kandidat abo kandidatka musy byš wumjenjony/wumjenjona pšez zgromažinu k wumjenjenju kandidatow** za paragrafom § 33 kazni BbgKWahlG (glej numer 8).
  - c) **Kandidat abo kandidatka musy pisnje zwóliš** do swójogo wumjenjenja na pšipowěžeŕskem formularje. To zwólenje musy se daš za **musterom 7a** k paragrafoju § 32 póstawk 5 numer 1 wustajenja BbgKWahlG. Wordujo-li kandidatura wót **partaje** pšipowěžona, ga musy kandidat abo kandidatka we tom zwólenju teke swóje partajske

člonkojstwa pódaš abo wopowěžeš, až njejo člonk žedneje partaje.

Tej pód punktoma a) a c) wumjenjonej kriterija plašitej teke za **samotne kandidaty a kandidatki**.

## 7.2 K pasiwnemu wuzwólowańskemu pšawoju (chto smějo wordowaš wuzwólony)

### 7.2.1 Pasiwne wuzwólowańske pšawo **Nimcow**

Wšykne Nimce za myslu artikela 116 póstawk 1 zakładneje kazni směju za paragrafom § 11 póstawk 1 kazni BbgKWahlG wordowaš wuzwólone, gaž wóni

- su až do 09. junija 2024 18. lěto žywjenja dokóńcowali a
- maju nanejmenjej tři mjasece swójo wobstawne bydlenje na teritoriumje wuzwólwanja abo tak dłuško how za wětšy žěl pšebywaju.

Za paragrafom § 11 póstawk 2 kazni BbgKWahlG njesmějo Nimc abo Nimcowka wordowaš wuzwólony abo wuzwólona, gaž wón abo wóna

- njama za wusuženim sudnistwa wuzwólowańskego pšawa,
- pšebywa w psychiatriskej chórowni za sudnikojkim wukazom za paragrafom § 63 gromaže z paragrafom § 20 knigłow štrofnych kaznjow abo
- za wusuženim sudnistwa njama pasiwneho wuzwólowańskego pšawa abo njejo gódný/gódna zjawny amt wugbaš.

### 7.2.2 Pasiwne wuzwólowańske pšawo **bergarjow Europejskeje unije**

Za paragrafom § 11 póstawk 1 kazni BbgKWahlG směju teke wšykne písłušniki člonkojskich statow Europejskeje unije wordowaš wuzwólone, kótarež

- su až do 09. junija 2024 18. lěto žywjenja dokóńcowali a
- maju nanejmenjej tři mjasece swójo wobstawne bydlenje na teritoriumje wuzwólwanja abo tak dłuško how za wětšy žěl pšebywaju.

Za paragrafom § 11 póstawk 3 kazni BbgKWahlG njesmějo bergar abo bergarka Europejskeje unije wordowaš wuzwólony abo wuzwólona, gaž wón abo wóna

- njama za wusuženim sudnistwa wuzwólowańskego pšawa,
- pšebywa w psychiatriskej chórowni na sudnikojki wukaz za paragrafom § 63 gromaže z paragrafom § 20 knigłow štrofnych kaznjow,
- pšez wusuženje sudnistwa njama pasiwneho wuzwólowańskego pšawa w Nimskej abo njejo gódný/gódna zjawny amt wugbaš abo
- za wusuženim sudnistwa we indiwiduelnem paže na zaklaže ciwilneho abo štrofneho pšawa njama pasiwneho wuzwólowańskego pšawa **w rodnem staše**.

## 7.3 Gromaže z pšipowěženim kandidatury dej kuždy kandidat a kužda kandidatka zapódaš wopóznaničenje wuzwólowańskego zastojnstwa za **musterom 8a** k paragrafoju § 32 póstawk 5 numer 2 wustajenja BbgKWahlV, až wón abo wóna ma pasiwne wuzwólowańske pšawo.

**Bergarje Europejskeje unije**, kótarež su pisnje zwólili do swójeje kandidatury, muse **wušej togo z mócu pšisegi wobwěściš** swóju **statnu pšislušnosť** a až maju pasiwne wuzwólowańske pšawo we swójom **rodnem člonkojskem kraju**. To wobwěsćenje musy se daš pisnje za **musterom 8c** k paragrafoju § 32 póstawk 5 numer 3 wustajenja BbgKWahlV a musy gromaže z wopóznaničenim za sadu 1 wordowaš mě pšedpóložone.

## 8. K wumjenjenju kandidatow a kandidatkow za paragrafom § 33 kazni BbgKWahlG

### 8.1 **Kandidaty a kandidatki jadneje partaje abo politiskego zwěstka** a teke řed jich kandiděrowanja muse wordowaš na zgromažinje člonkow teje sameje partaje abo politiskego zwěstka pšez pótajmne zgłosowanje wustajone (**člonkojska zgromažina**). Te člonki teje zgromažiny muse we tom wokognušu, ako se gromadu zejdu, měš **na teritoriumje wuzwólwanja wuzwólowańske**

**pšawo.** To mógu wugbaš teke delegěrowane, kótarež ćlonki (sada 1) su sami ze se we pótajmne wuzwólwanju wósebje k tomu wuzwólili (**zgromažina delegěrowanych**).

8.2 Njama-li partaja abo politiski zwěstk na teritoriumje wuzwólwanja **žedneje organizacije**, ga mógu kandidaty a řed jich kandiděrowanja wordowaš wustajone

– pšez ćlonki teje sameje partaje abo politiskego zwěstka, kótarež maju na teritoriumje amta wuzwólowařske pšawo, abo pšez jich delegěrowane; abo

– pšez ćlonki teje sameje partaje abo politiskego zwěstka, kótarež maju pšawo wuzwólowaš wokrejsny sejm Dubja-Blota, abo pšez jich delegěrowane.

8.3 **Kandidaty a kandidatki wuzwólowařskeje grupy** kaž teke řed jich kandiděrowanja muse wordowaš na zgromažinje jeje ćlonkow pšez **pótajmne zgłosowanje** wustajone (**ćlonkojska zgromažina**). Te ćlonki teje zgromažiny muse we tom wokognušu, ako se gromadu zejdu, měš **na teritoriumje wuzwólwanja wuzwólowařske pšawo**. Njejo-li wuzwólowařska grupa organizěrowana pšez ćlonkojstwo, ga mógu kandidaty a řed jich kandiděrowanja wordowaš na tu samu wizu wustajone na zgromažinje **pšiwisarjow a pšiwisařkow** wuzwólowařskeje grupy (**zgromažina pšiwisarjow a pšiwisařkow**). Te na zgromažinje wobžěłone pšiwisarje a pšiwisařki muse we tom wokognušu, ako se gromadu zejdu, měš **na teritoriumje wuzwólwanja wuzwólowařske pšawo**. To mógu wugbaš teke delegěrowane, kótarež ćlonki abo pšiwisarje a pšiwisařki (sada 1 a 3) su ze se we **pótajmne** wuzwólwanju **wósebje** k tomu wuzwólili (**zgromažina delegěrowanych**). Rozkłaženja k numeroju 8.2 plaše wótpowědnje za wuzwólowařske grupy, ako su organizěrowane **pšez ćlonkojstwo**.

8.4 **Kandidaty a kandidatki lisćinowego zwěstka** a řed jich kandiděrowanja muse wordowaš wustajone na **zgromadnej** zgromažinje ćlonkow a delegěrowanych pšez **pótajmne** zgłosowanje; wušej togo plaše wustajenja paragrafa § 33 kazni BbgKWahlG pó zmysle.

8.5 Pšislušne pšedsedařstwo partaje abo politiskego zwěstka abo wumjenjony zastupnik abo wumjenjona zastupnica wuzwólowařskeje grupy dej ćlonkam, pšiwisarjam a pšiwisařkam abo delegěrowanym na tu zgromažinu kazaš, a to **nanejmenjej tři dny pšed zgromažinu**, pak kuždego wósebje abo pšez zjawne znatecynjenje.

8.6 **Kužda** wósoba, ako se na zgromažinje wobžělijo a ma pšawo sobu wuzwólowaš, ma teke **pšawo kandidaturu** k pótajmne wuzwólwanju kandidatow a delegěrowanych **pširucyš**. Kandidatam a kandidatkam dej se góžba daš a dosć casa pšiměriš, aby swój program zgromažinje pšedstajili. Na zgromažinje muse **nanejmenjej tři** ćlonki, pšiwisarje a pšiwisařki abo delegěrowane se na zgłosowanju wobžěliš.

8.7 Wót **zgromažiny** ćlonkow, pšiwisarjow a pšiwisařkow abo delegěrowanych dej se **spisaš protokol** za musterom **9a** k paragrafoju § 32 póstawk 5 numer 4 wustajenja BbgKWahlIV. Ten protokol dej se pšipowěženju kandidaturow pšipołožyš. Z protokola dej se wuznaš, kaka zgromažina jo to byla, a žo a ga jo se pšewjadła, wušej togo forma pšepšosenja, licba wobžělonych ćlonkow, pšiwisarjow a pšiwisařkow abo delegěrowanych kaž teke rezultat pótajmneho wuzwólwanja. Pši tom dej **wjednik** abo **wjednica zgromažiny** a **dwě wót zgromažiny k tomu wumjenjonej wósobje, ako stej se na zgromažinje wobžěliłej**, z mócu pšisegi wobwěsciš, až kaznjoske minimalne kriterije za demokratiske wustajenje kandidatow a kandidatkow za paragrafom § 33 póstawk 5 kazni BbgKWahlG su se doložili.

9. **Pódpěrajuce pódpisma**

9.1 **Wulichowanje wót slušnosći zběranja pódpěrajucych pódpismow**

9.1.1 **Partaje a politiske zwěstki** njemuse zběraš pódpisma za **swóje kandidatury**, jolic až su byli na **21. awgusće 2023 zastupjone**

– we **20.** Zwězkowem sejmje abo we **7.** Bramborskem sejmje pšez nanejmenjej jadnogo we kraju

Bramborska wuzwólonego wótpóslanego abo wótpóslanu,

– abo we wokrejsnem sejmje Dubja-Błota pšez nanejmenjej jadnego wótpóslanego abo wótpóslanu,

– abo we gmejnskej raže gmejny Nowa Niwa pšez nanejmenjej jadnego gmejnskego zastupnika abo zastupnicu;

a jolic až to zastupowanje trajo njespěstawajucy wót slědnego wuzwólowanja

a jolic až to pšipowěženje tych samych zastupnikow k slědnemu wuzwólowanju dajo se tej samej partaji abo tomu samemu politiskemu zwěstkoju pšilicyš.

#### 9.1.2 **Wuzwólowańske grupy** njemuse zběraš pódpisma za **swóje kandidatury**, jolic až su byli **na 21. awgusće 2023** zastupjone

– we wokrejsnem sejmje wokrejsa Dubja-Błota pšez nanejmenjej jadnego wótpóslanego abo wótpóslanu abo we gmejnskej raže gmejny Nowa Niwa pšez nanejmenjej jadnego gmejnskego zastupnika abo zastupnicu;

a jolic až to zastupowanje trajo njespěstawajucy wót slědnego wuzwólowanja;

a jolic až to pšipowěženje tych samych zastupnikow k slědnemu wuzwólowanju dajo se tej samej wuzwólowańskej grupje pšilicyš.

#### 9.1.3 Słušnosť zběranja pódpěrajucych pódpismow njeplaši wušej togo za **lisćinowe zwěstki**, gaž nanejmenjej jedna jich wótzělbow dopolnijo nanejmenjej jaden wót kriterijow za wulichowanje wót teje słušności, ako su wumjenjone we numerje 9.1.1 abo 9.1.2.

#### 9.1.4 **Kandidatury samotnych kandidatow a kandidatkow**, ako su na **21. awgusće 2023** byli na zaklaže samotneje kandidatury zastupjone we wokrejsnem sejmje Dubja-Błota abo we gmejnskej raže gmejny Nowa Niwa, su wót słušności zběranja pódpěrajucych pódpismow wulichowane.

#### 9.1.5 Kandiděrujo-li cesnoamtski šołta abo šołtowka k wuzwólowanju gmejnskeje rady gmejny Nowa Niwa ako kandidat partaje, politiskego zwěstka abo wuzwólowańskeje grupy, ga njemusy ta sama partaja, politiski zwěstak abo wuzwólowańska grupa pódpěrajuce pódpisma zběraš, jolic až ten samy šołta abo šołtowka jo wordował do swójego amtu ako jich kandidat wuzwólony.

### 9.2 **Wažne pokazki**

#### 9.2.1 Pšipowěženje kandidatury z boka partaje, politiskego zwěstka, wuzwólowańskeje grupy, lisćinowego zwěstka, samotnego kandidata abo kandidatki, kótaryž abo kótaraž za wustajenim togo górzeje stojećego numeru 9.1 **njejo** wót słušności zběranja pódpěrajucych pódpismow wulichowana,

– we paže kandidatury, ako se pósěgujo na teritorium wuzwólowanja –, deje se pšipoložyš nanejmenjej **5** pódpěrajucych pódpismow wót luži, ako maju wuzwólowańske pšawo **na teritoriumje wuzwólowanja**.

#### 9.2.2 Wósoba z wuzwólowańskim pšawom dej swójo pódpěrajuce pódpismo daš wósobinski a na wizu, ak dajo se kontrolěrowaš, **nanejpóźdzej** až do

**srjody, 03. apryla, zeger 16.00**, pla

**wuzwólowańskego zastojnstwa, amt Luboraz/Górne Błota,**  
**mjeldowański amt (špa 1),** Cerkwina droga (Kirchstraße) 11, 15913 Tšupc (Błota)

Pódpěrajuce pódpismo móžo se teke daš pla **cesnoamtskego šołty** abo **cesnoamtskeje šołtowki** we kraju, pšed **notarom** abo **notarku** abo pšed drugim **zastojnstwom**, ako ma **pšiwdanu móc pódpisma amtski wopóznanjś**. Pódpismowe lisćiny k tomu, kótarež som ja na póżedanje **wužěliła** (glej numer 9.2.3), deje se **wuzwólowańskemu zastojnstwoju (amt Luboraz/Górne Błota, Cerkwina droga 11, 15913 Tšupc (Błota)) nanejpóźdzej do srjody, 03.**

**apryla 2024, zeger 16.00** pšedpołożyś.

Te pominane **pódpěrajuce pódpisma** deje se zběraś **na amtskich formularach, kótarež ja som wudała abo wužěliła** a kótarež su zgótowane za musterom 6 k paragrafoju § 32 póstawk 4 numer 3 wustajenja BbgKWahlV. Pši tom zběranju pódpismow dej se glědaś na slědujuce pšedpisma:

9.2.3 **Na póžedanje pšipowěžarja kandidatury** worduju te formulary wóte mnjo ned k dispoziciji stajone **we wuzwólowańskem zastojnstwje, amt Luboraz/Górne Błota, Cerkwina droga 11, 15913 Tšupc (Błota).**

Pši takem póžedanju deje se familijowe mjenja a pšedmjenja kaž teke adresa **kuždego kandidata a kuždeje kandidatki we derje widobnem řědu** pódaś. Gaž kandidaturu **pšipowěžejo partaja, politiski zwěstk, wuzwólowańska grupa abo lisćinowy zwěstk**, ga dej wušej togo se pódaś jich polne mě a skrotcenje, jolic až se take wužywa.

Wušej togo dej pšipowěžař kandidatury pšez pisnu deklaraciju wobtwarziś, až kandidaty su wordowali wumjenjone a řěd jich kandiděrowanja wustajony za paragrafom § 33 kazni BbgKWahlG, abo wón dej pšedpołożyś eksemplar protokola wót wumjenjenja kandidatow a wustajenja řědu jich kandiděrowanja. Pši **pšipowěženju kandidatow lisćinowego zwěstka** deje se wušej togo pódaś mjenja a teke skrotcone mjenja, jolic až take su, wót wšykných wobžěloných organizacijow.

Pši pšipowěženju **samotnego kandidata abo kandidatki** dej se pódaś pomjenjenje „samotna kandidatura”.

Na póžedanje pšipowěžarja kandidatury budu ja, jo-lic až te wušej pomjenjone kriterije budu dopoľnjone, amtske formulary k pódpisaniu kandidatury wupołożyś teke pla cesnoamtskeje šoltowki abo cesnoamtskego šolty we kraju, pšed notarom abo notarku abo we drugem zastojnstwje, ako ma pšiwđane pšawo pódpisma amtski wopóznaniś.

9.2.4 Kandidatury zboka partajow, politiskich zwěstkow, wuzwólowańskich grupow abo lisćinowych zwěstkow směju se pódpisowaś akle pó wumjenjenju kandidatow kaž teke pó wustajenju řědu jich kandiděrowanja za paragrafom § 33 kazni BbgKWahlG. Pódpěrajuce pódpisma, ako su se dali južo pjerwej, njejsu plašece.

9.2.5. Jadna wósoba z wuzwólowańskim pšawom smějo jano jadnu kandidaturu k wuzwólowanju gmejnskeje rady gmejny Nowa Niwa pódpisaś. Jo-li něcht za to wuzwólowanje wěcej ako jadnu kandidaturu pódpisał, ga su wšykne pódpěrajuce pódpisma teje wósoby stakim njeplašece.

9.2.6. Kandidatury, kótarež se pósěguju **na wuzwólowański wokrejs**, směju se pódpisaś jano wót wósobow, kótarež maju we tom samem wuzwólowańskem wokrejsu wuzwólowańske pšawo. Gaž kandidaturu, ako se pósěguju **na wuzwólowański wokrejs**, jo pódpisała wósoba, kótaraž we tom samem wuzwólowańskem wokrejsu sama njama wuzwólowańskego pšawa, ga jeje pódpismo njejo plašece.

9.2.7. To wuzwólowańske pšawo dej wobstojaś we wokognuśu pódpisanja. Kandidaty a kandidatki njesměju swóju samsku kandidaturu pódpisaś.

9.2.8. Pósporomije pódpisma deje se pódaś familijowe mjenja, pšedmjenja, narodny žeń a adresa pódpisarja abo pódpisařki, kaž teke datum pódpisanja. Pódpisař abo pódpisařka dej pšed pódpisanim swóju identitu wupokazaś. Slědkwežeśe pódpěrajucých pódpismow, kótarež južo plaše, wóstanjo mimo wucynka.

9.2.9 Wósoba z wuzwólowańskim pšawom, kótaraž pótrjeba dla šelneje brašnosći pomoc pši pódpisaniu, móžo wumjenis swójego pomocnika abo pomocnicu swójeje dowěry, ako za nju pódpišo. Wósoba z wuzwólowańskim pšawom, kótaraž dla brašnosći njepšemóžo sama na amt pšis, móžo na swójo póžedanje, město pódpisma, deklaraciju pšed zastupnikom wuzwólowańskego zastojnstwa wótedaś. Póžedanje wó taku móžnosć móžo se stajis pisnje pla

wuzwólowańskego zastojnstwa **až do pónjezelego, 1. apryla 2024, zeger 16.**

9.2.10 Za wšykne pódpisarje a pódpisařki z wuzwólowańskim pšawom, ako su dali swójo pódpěrajuce pódpismo na tej wóte mnjo wudanej abo wupołożonej lišćinje, dej wuzwólowańske zastojnstwo wopóznaniš z pšipiskom, až wóni su we wokognušu pódpisanja měli wuzwólowańske pšawo na teritoriumje wuzwólowanja (žo-li wó kandidaturu, ako se pósěgujo na **teritorium wuzwólowanja**) abo we pótrjefjonem wuzwólowańskem wokrejsu (žo-li wó kandidaturu **za wuzwólowański wokrejs**).

## 10. **Wótpóranje brachow**

Gaž ten wustajony cas za pšipowěženje kandidaturow bužo mimo (to se stanjo **na 4. aprylu 2024 zeger 12**), ga brachy, ako maju cyniš z licbu a ředom kandidatow a kandidatkow, njebudu móc se wěcej pórěziš, a teke pódpěrajuce pódpisma pšispóraš, ako hyšći feluju, njebužo wěcej móžno. To same plaši, gaž kandidat abo kandidatka jo tak brašnje pomjenjona, až jogo abo jeje identita njejo k póznašu. Wšykne druge brachy, ako pótrjefiju plašiwosc kandidaturow, mógu se pórěziš hyšći až do rozsuzenja nad pšipušćenim kandidaturow (§ 37 póstawk 1 kazni BbgKWahlG).

## 11. **Pšipušćenje kandidaturow k wuzwólenju**

Wuzwólowański wuběrk wobzamknjo **waltoru, 09. apryl 2024 zeger 13:00** na zjawnem pósejženju, lěc wšykne kandidatury deje se k wuzwólenju pšipušćiš. Wušej togo plaši § 37 kazni BbgKWahlG kaž teke §§ 38 a 39 wustajenja BbgKWahlG.

## **B. Wuzwólowanje cesnoamtskego šořty abo cesnoamtskeje šořtowki gmejny Nowa Niwa**

Rozkłaženja k punktoju A numer 3, 6.1, 6.3 a 6.4, 7, 8, 10 a 11 k wuzwólowanju gmejskeje rady gmejny Nowa Niwa plaše teke za wuzwólowanje cesnoamtskego šořty abo cesnoamtskeje šořtowki gmejny Nowa Niwa ze slědujucymi wustajenjami pó zmysle:

1. Kandidatury deje mě wordowaš pšipowěžone na formularach za musterom **5b** k paragrafoju § 33 póstawk 1 sada 1 wustajenja BbgKWahlG.

We kuždem pšipowěženju smějo jano jedna kandidatka abo jaden kandidat wumjenjony byš.

Kužda kandidatka a kuždy kandidat smějo byš wumjenjony jano we jednom pšipowěženju k wuzwólowanju cesnoamtskego šořty abo cesnoamtskeje šořtowki.

Kandidatka abo kandidat, ako jo pšipowěžona wót jadneje **partaje**, njesmějo byš zrownju člónk drugeje partaje, kótaraž jo wósebjje ze swójim kandidatom abo kandidatku na tom wuzwólowanju wobželona.

2. Kandidat abo kandidatka musy byš wobjadny abo wobjadna z pšipowěženim swójeje kandidatury, a ta wobjadnosć dej se wobtwarziš a wótedaš na musterowem formularu **7b** k paragrafoju § 33 póstawk 2 numer 1 wustajenja BbgKWahlG.

3. Protokol wót wumjenjenja kandidata abo kandidatki dej se spisáš na formularje za musterom **9b** k paragrafoju § 33 póstawk 2 numer 1 wustajenja BbgKWahlG.

4. Słušnosć zběranja pódpěrajucych pódpismow njeplaši za južo amtěrujucego šořtu abo amtěrujucu šořtowku.

5. Pšipowěženje kandidaturow z boka partaje, politiskego zwěstka, wuzwólowańskeje grupy, lišćinowego zwěstka, samotnego kandidata abo kandidatki, ako **njejsu** wulichowane wót słušnosći zběranja pódpěrajucych pódpismow za paragrafom § 70 póstawk 5 kazni BbgKWahlG, dej se nanejmenjej **16** pódpěrajucych pódpismow pšipoložyš. Wušej togo plaše rozkłaženja k punktoju A numer 9.1.1 do 9.1.4, 9.2.2 do 9.2.5 a 9.2.7 do 9.2.10 pó zmysle.

## **C. Wuzwólowanje wejsneju pširadowu wejsneju želowu Brjazyna nad Jazorom a Kamjeńki**

Rozkłaženja k punktoju A numer 3, 4, 6.1, 6.3 do 6.5, 7, 8.1, 8.3 do 8.7, 10 a 11 k wuzwólowanju



gmejnskeje rady gmejny Nowa Niwa plaše teke za wuzwólowanje wejsneju pširadowu wejsneju žěloma Brjazyna nad Jazorom a Kamjeńki ze slědujucymi wustajenjami pó zmysle:

1. **Teritorium wuzwólwanja wejsneje pširady** wejsnego žěla Brjazyna nad Jazorom maka se z teritoriumom toho samego wejsnego žěla. Wón wobstoj z jadnogo wuzwólowańskego wokrejsa.  
**Teritorium wuzwólwanja wejsneje pširady** wejsnego žěla Kamjeńki maka se z teritoriumom toho samego wejsnego žěla. Wón wobstoj z jadnogo wuzwólowańskego wokrejsa.
2. Do kuźdeje wót teju wejsneju pširadowu deje wordowaś **3** člonki wuzwólone.
3. Kuźde pšipowěženje musy wopšimjeś nanejmenjej jadnogo kandidata abo jadnu kandidatku..  
Kuźde pšipowěženje smějo nagromadu maksimalnje **6** kandidatow abo kandidatki wopšimjeś.
4. Pasiwne wuzwólowańske pšawo maju pšistym wšykne wósoby, kótarež maju za paragrafom § 11 kazni BbgKWahlG pasiwne wuzwólowańske pšawo a maju we wejsnyma žěloma Brjazyna nad Jazorom a Kamjeńki wobstawne bydlenje abo tam zwětšego pšebywaju.
5. Jo-lic, až licba člonkow partaje, politiskego zwěstka abo wuzwólowańskeje grupy, kótarež maju we wejsnyma žěloma Brjazyna nad Jazorom abo Kamjeńki wuzwólowańske pšawo, njedosega, aby mógli člonkojsku zgromažinu pšewjasć a na nej kandidatow a řed jich kandiděrowanja wustajiś, ga mógu to wugbaś jich člonki abo delegěrowane, kótarež maju wuzwólowańske pšawo we gmejnje Nowa Niwa. Jo-lic pak, až nic razka licba člonkow z wuzwólowańskim pšawom we gmejnje njedosega k pšewježenju člonkojskeje zgromažiny, ga plaše rozkłaženja k punktoju A numer 8.2 wótpowědnje.
6. Pódpěrajuce pódpisma za kandidaturu k wuzwólowanju wejsneju pširadowu njesu trjebne, dokulaž licba wobydłari we wobyma žěloma jo mjeńša ako 300.

### III **Formulary za pšipowěženje kandidaturow**

Formulary, ako su trjebne k pšipowěženju kandidaturow, wobstaraju ja, a wóni mógu se pši mnjo skazaś.

gez. Krischock

Wjednica wuzwólwanjow we gmejnach amta Luboraz/Górne Błota